

## BESTELAKO XEDAPENAK

### KULTURA ETA HIZKUNTZA POLITIKA SAILA

## 1946

*AGINDUA, 2018ko martxoaren 26koa, Kultura eta Hizkuntza Politikako sailburuarena, zeinaren bidez Gobernantza Publiko eta Autogobernu Saileko Administrazioko eta Zerbitzu Orokorretako sailburuordeari eskuordetzen baitzaio Kultura eta Hizkuntza Politika Sailaren menpeko administrazio-zentroak goi- eta behe-tentsioko energia elektriko eta gas naturalez hornitzeko kontratazioa.*

Administrazioko eta Zerbitzu Orokorretako Sailburuordetzari dagokio kudeaketa bateratuaren arloan eta kudeaketa bateratuko deklaraturako higiezinaren arloan kontratazioa egitea, hala ezarrita baitago Euskal Autonomia Erkidegoko Sektore Publikoaren kontratazio-araubidea onartzen duen uztailaren 27ko 116/2016 Dekretuaren 15. eta 17. artikuluetan eta Gobernantza Publiko eta Autogobernu Sailaren egitura organikoa eta funtzionala onartzen duen apirilaren 11ko 71/2017 Dekretuko 19.d) artikuluan.

Bestalde, 116/2016 Dekretuak 20. artikuluan ezartzen duenez, kontratazio zentralizatukotzat deklaratu ahal izango dira Euskal Autonomia Erkidegoko sektore publikoaren erakundeek orokorrean eta ezaugarri nagusi bertsuekin kontratatzen dituzten hornidura, obra eta zerbitzuak.

Badira urte batzuk modu zentralizatuan kontratatzen dela goi- eta behe-tentsioko energia elektrikoaren hornidura eta gas naturalaren hornidura kudeaketa bateratuko eraikinetan, Administrazioko eta Zerbitzu Orokorretako Sailburuordetzaren eskumeneko sare korporatiboaren telekomunikazio-zerbitzuetan, Euskal Autonomia Erkidegoko Administrazio Orokorreko gainerako sailei eta haren erakunde autonomo eta sozietate publikoei atxikitako eraikinetan eta, sektore publikokoak izanik, Euskal Autonomia Erkidegoko sektore publikoaren parte ez diren beste zenbait erakunderi atxikitakoetan. Hartara, zerbitzuak hobeto kudeatzeaz gainera, gastu publikoa arrazionalizatu egiten da.

Egun, kontuan hartuta aurrerago dekretu bat onartuko dela energia elektrikoaren eta gasaren horniduren kontratazioa modu zentralizatuan erostea xedatuko duena, kontratazioa modu zentralizatuan egiteko bide egokiena 40/2015 Legearen 9. artikuluan eskumenak eskuordetzan emateko ezarritakoa da (urriaren 1eko 40/2015 Legea, Sektore Publikoko Araubide Juridikoarena). Honela dio artikulua horrek:

«1.– Herri-administrazioetako organoek beste organo batzuei beren eskumenak eskuordetzan eman diezazkiekete, baldin eta organo horiek administrazio berekoak badira, nahiz eta bata bestearen mendekoak ez izan...».

Hori dela eta, Kultura eta Hizkuntza Politika Sailaren egitura organikoa eta funtzionala ezartzen duen apirilaren 11ko 82/2017 Dekretuaren 5.4 artikulua Kultura eta Hizkuntza Politikako sailburuari eskumena ematen dio kontratazio-organoa moduan joka dezan, sailburuordetzetik haragoko eremuetan, eta indarreko legeriaren arabera kontratu txikiak ez badira.

#### EBAZTEN DUT:

I.– Administrazioko eta Zerbitzu Orokorretako sailburuordearen esku uztea I. eta II. eranskinetan adierazten diren eraikinak goi- eta behe-tentsioko energia elektriko eta gas naturalez hornitzeko kontratazioaren eskumena 2019rako. Eskuordetze hori luzatu egingo da harik eta eresketa

zentralizatuko prozeduraren ondoriozko kontratua indarrean jarri arte (kontratu hori erosketa zentralizatua deklaratzeko aurrerago onartuko den dekretuaren bidez gauzatuko da).

II.– Sektore Publikoko Kontratuei buruzko azaroaren 8ko 9/2017 Legean aurreikusitako arlo hauetara zabalduko da eskuordetzea, betiere kontratuari aplikatzekoak badira:

– Kontratua prestatzea (II. liburua, I. titulua, I. kapitulua, 1. atala).

– Kontratua esleitzea (II. liburua, I. titulua, I. kapitulua, 2. atala).

– Administrazioen prerrogatibak: aldatzea, azkentzea, lagapena eta azpikontratazioa (II. liburua, I. titulua, I. kapitulua, 3. atala).

– Kontratua formalizatzea (II. liburua, I. titulua, I. kapitulua).

Eta, bereziki, II. liburuan, II. tituluko IV. kapituluan, hornidura-kontratuari buruz aurreikusitakoa.

III.– Eskumena ematen duen organoaren barruan jarraituko dute kontratazio-organismoari dagozkion gainerako eskumenek, eta, bereziki, egindako zerbitzuen betetzeari onespina emateko eta haien ordainketa agintzeko eskumenek.

IV.– Euskal Herriko Agintaritzaren Aldizkarian argitaratuko da eskuordetze hau, eta argitara eman eta biharamunean jarriko da indarrean.

Vitoria-Gasteiz, 2018ko martxoaren 26a.

Kultura eta Hizkuntza Politikako sailburua,  
BINGEN ZUPIRIA GOROSTIDI.

2018ko apirilaren 13a, ostirala

## I. ERANSKINA

ENERGIA ELEKTRIKOAREN ESKUMENAREN ESKUORDETZEAK  
ERAIKIN HAUEK HARTUKO DITU BARNEAN:

KODEA	IKASTETXEAREN IZENA	HELBIDEA	UDALERRIA
Goi-tentsioa eta behe-tentsioa	EAH - Euskadiko Artxibo Historikoa	Maria Diaz de Haro kalea 3, behea, 1	Bilbao
Behe-tentsioa	Consonni industrialdea	Zorrotaurreko erribera 18, behea, 1	Bilbao
Behe-tentsioa	Material Arkeologikoaren Gordailua	Zarategi pasealekua 86, behea, 2	Donostia

KODEA	IKASTETXEAREN IZENA	HELBIDEA	UDALERRIA
Behe-tentsioa	HTZ - Hobekuntza Teknikorako Zentroa	Los Chopos etorbidea 44, 1, behea, 1	Getxo

2018ko apirilaren 13a, ostirala

**II. ERANSKINA****GAS NATURALAREN ESKUMENAREN ESKUORDETZEAK  
ERAIKIN HAUEK HARTUKO DITU BARNEAN:**

<b>IKASTETXEAREN IZENA</b>	<b>HELBIDEA</b>	<b>UDALERRIA</b>
EAH - Euskadiko Artxibo Historikoa	María Díaz de Haro kalea 3, behea, 1	Bilbao

<b>IKASTETXEAREN IZENA</b>	<b>HELBIDEA</b>	<b>UDALERRIA</b>
HTZ - Hobekuntza Teknikorako Zentroa	Los Chopos etorbidea 44, 1, behea, 1	Getxo